



**IZVJEŠTAJ O RADU
EKONOMSKO SOCIJALNOG
VIJEĆA ZA TERITORIJU FBiH ZA
2015. GODINU**

IZVJEŠTAJ O RADU EKONOMSKO-SOCIJALNOG VIJEĆA ZA TERITORIJU FEDERACIJE BIH ZA 2015. GODINU

1. RAD EKONOMSKO SOCIJALNOG VIJEĆA

Vlada Federacije Bosne i Hercegovine je sa Savezom samostalnih sindikata Bosne i Hercegovine i Udruženjem poslodavaca Federacije BiH dana 27. augusta 2002. godine zaključila Sporazum o osnivanju Ekonomsko-socijalnog vijeća za teritoriju Federacije BiH, kao najvišeg institucionalnog oblika za vođenje tripartitnog socijalnog dijaloga.

Ovim sporazumom utvrđuju se principi djelovanja ESV-a, sastav, način odlučivanja, djelokrug rada i nadležnosti ESV-a.

ESV kao najviše tripartitno tijelo na teritoriji Federacije BiH osnovano je radi vođenja zajedničke djelatnosti socijalnih partnera u oblasti ekonomske, socijalne i razvojne politike, afirmacije i zaštite ekonomskih i socijalnih prava, odnosno interesa zaposlenika i poslodavaca, razvijanja sistema kolektivnog pregovaranja i zaključivanja te primjene kolektivnih ugovora. Socijalni partneri su se usuglasili da će radi provedbe kolektivnih ugovora i ugovora o radu razvijati i međusobne bipartitne odnose na svim nivoima organiziranja socijalnih partnera.

ESV ima 21 člana, po 7 od svakog socijalnog partnera. Socijalne partnere predvode ispred Vlade FBiH- Premijer, ispred UP FBiH- Predsjednik i ispred SSS BiH- Predsjednik.

ESV ima predsjednika i tri potpredsjednika. Predsjednika ESV socijalni partneri biraju iz reda istaknutih javnih, naučnih, privrednih i kulturnih radnika. Predsjednika može predložiti bilo koji socijalni partner u ESV, a bira se konsenzusom svih socijalnih partnera. Predsjednik ESV-a nema pravo glasa, a bira se na mandatni period od 4 godine, uz mogućnost ponovnog biranja, bez ograničenog broja mandata.

Kada su na dnevnom redu zakoni čiji je obrađivač ministarstvo koje ima predstavnika u ESV-u sjednici obavezno prisustvuje ministar- član ESV-a. ESV održava redovne sjednice jednom mjesečno, a po potrebi, zavisno od pitanja koja se razmatraju može se sazvati i vanredna sjednica.

Članovi delegacije UP FBiH u ESV u trenutnom sazivu čine: Safudin Čengiđ, predsjednik UO po funkciji, Mladen Pandurević, direktor UPFBiH po funkciji, Predrag Čović, Vodokok - Tomislavgrad, Edin Ibrahimpašić, Bihaćka pivovara - Bihać, Tomislav Slišković, Sarjevski kiseljak-

Kiseljakm, Selim Babić, Udruženej posodavaca komunalne privrede i Mirsa Tuce, Arcelor Mital Zenica.

Broj održanih sjednica

Ekonomsko-socijalno vijeće za teritoriju Federacije BiH u 2015. godini održalo je ukupno 10 redovnih sjednice, 8 vanrednih sjednica i 10 Kolegija ESV-a.

Broj tačaka dnevnog reda

Tokom ove godine razmatrano je ukupno 22 tačke dnevnog reda.

Pregled tački dnevnog reda

Na sjednicama ESV-a razmatrani su: zakoni i informacije.

Zakoni

1. Nacrt zakona o radu;
2. Nacrt zakona o izvršavanju Budžeta Federacije BiH za 2016. godinu;
3. Prednacrt Zakona o penzijskom i invalidskom osiguranju;
4. Prednacrt Zakona o organizaciji penzijskog i invalidskog osiguranja u Federaciji BiH;
5. Prednacrt zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji BiH u periodu 01.04.1992. – 31.12.2014 godine;
6. Nacrt zakona o sigurnosti i zdravlju;
7. Razmatranje Nacrta Zakona o porezu na dobit;
8. Zakon o šumama;
9. Zakon o izmjenama i dopunama Zakona o upravljanju otpadom;

Informacije i rasprave

1. Inicijativa Poslodavaca:
 - a) Zahtjev za izmjenu Uredbe o visini godišnje naknade za javne ceste koja se plaća pri registraciji motornih priključnih vozila u FBiH;

- b) Zahtjev za izmjenu člana 94. stav 4. Zakona o penzijsko i invalidskom osiguranju i Pravilnika o utvrđivanju radnih mjesta na kojima se staž osiguranja računa sa uvećanim trajanjem;
 - c) Inicijativa za izmjene i dopune Zakona o računovodstvu i reviziji u FBiH;
 - d) Inicijativa za izmjenu Pravilnika o prestanku važenja pravilnika o upravljanju ambalažom i ambalažnim otpadom;
 - e) Inicijativa za izmjenu Uredbe o uslovima i načinu plaćanja gotovim novcem;
 - f) Inicijativa za izmjene i dopune Zakona o zdravstvenom osiguranju FBiH (član 81. Zakona o zdravstvenom osiguranju)
2. Informacija o pregovorima u vezi Opšteg kolektivnog ugovora za teritoriju Federacije BiH

Ostali akti



1. Razmatranje finansijskog plana poslovanja ESV-a za 2015. godinu;

Ostale tačke dnevnog reda su usvajanje zapisnika, zaključaka i rasprave (razno).

2. NAJZNAČAJNIJE AKTIVNOSTI DELEGACIJE POSLODAVACA EKONOMSKO-SOCIJALNOG VIJEĆA ZA 2015. GODINE

Rad ESV-a u odnosu na 2014. godinu bio znatno poboljšan. Za razliku od 2014. godine kada su održane samo 4 redovne sjednice, 2 vanredne sjednica i 4. kolegija, tokom 2015 godine sjednice ESV-a su održavane 1. mjesečno, a u periodu kada je bila aktuelna tema Zakon o radu sjednice su održane i 2 puta mjesečno. Kroz rad naše delegacije u Ekonomsko-socijalnom vijeću u protekloj godini smo insistirali na provođenju mjera, od strane institucija vlasti. Također Udruženje poslodavaca Federacije je putem Ekonomsko socijalnog Vijeća Federacije BiH pokretalo inicijative za izmjene i dopune Zakona i podzakonskih akata koje su od izuzetnog značaja za poslodavce.

Najznačajnije aktivnosti u okviru ESV-a u proteklom periodu su:

-  Usaglašavanje Zakona o radu i
-  Potpisivanje Općeg kolektivnog Ugovora

Neophodno napomenuti da je Zakon o radu nije mogao otići u Prlamentarnu proceduru dok ne dobije prethodnu saglasnost socijalnih partnera (Udruženja poslodavaca i Saveza samostalnih sindikata BiH). Postupak pregovaranja sa SSBIH oko usaglašavanja odredbi Zakona o radu bio

veoma mukotrpan ali Udruženje poslodavaca je učinilo sve napore i pokušalo sa SSSBiH da usaglasí tekst Nacrta zakona o radu. Bitno je napomenuti da je održano 6. sjednica ESV-a te da je u julu 2015. godine tekst Zakona o radu usaglašen i poslat u Parlamentarnu proceduru. Tekst Zakona o radu koji je usvojen od strane oba doma Parlamenta i koji je stupio na snagu u avgustu 2015.godine sadrži rješenja koja će zadovoljiti i poslodavce i Sindikat, ali koja će biti realna i provodiva u postojećoj ekonomskoj situaciji.

Nakon stupanja na snagu Zakona o radu u okviru sjednice Ekonomsko socijalnog vijeća između SSSBiH i Udruženja poslodavaca FBiH, potpisan je Opšti kolektivni Ugovor za teritoriju FBiH. Potpisivanje Opšteg kolektivnog Ugovora podržala je Vlada Federacije BiH i sa pravom možemo reći da u Federaciji BiH socijalni dijalog ipak postoji.

Pored navedenih aktivnosti bitno je napomenuti da je Udruženje poslodavaca FBiH na osnovu zahtjeva naših članica pokrenulo inicijative o kojima se raspravljalo na sjednicama ESV-a.

Neophodno je napomenuti da su inicijative Udruženja poslodavaca u FBiH koje su opravdane, dobile podršku od strane Ekonomsko socijalnog vijeća. Na inicijativu UPFBiH Ekonomsko-socijalno vijeće zatražilo da se Uredba o visini godišnje naknade za javne ceste koja se plaća pri registraciji motornih priključnih vozila u FBiH stavi van snage na sljedećoj sjednici Vlade FBiH.

Uredba o visini godišnje članarine je stavljena van snage i u februaru 2016. godine donešena je nova Uredba u koju su ugrađene primjedbe UPFBiH.

UPFBiH je putem Ekonomsko socijalnog vijeće uputilo Zahtjev za izmjenu člana 94. stav 4. Zakona o penzijsko i invalidskom osiguranju i Pravilnika o utvrđivanju radnih mjesta na kojima se staž osiguranja računa sa uvećanim trajanjem. Na osnovu Inicijative ESV je predložilo Vladi FBiH da preko nadležnog ministarstva preispita rješenje vezano za reviziju radnih mjesta na kojima se staž osiguranja računa sa uvećanim trajanjem.

Ministarstvo za rad i socijalnu politiku je prihvatilo zahtjev UPFBiH te u novom Zakonu o PIO/MIO ugradilo primjedbe UPFBiH kojim se donošenje Pravilnika o utvrđivanju radnih mjesta na kojima se staž osiguranja računa sa uvećanim trajanjem stavlja u nadležnost Ministarstvo za rad i socijalnu politiku a za što je po važećem Zakonu o PIO/MIO nadležan Zavoda za PIO/MIO. Na ovaj način UPFBiH će imati mogućnost da učestvuje u izradi Pravilnika. Pored navedenog važno je i napomenuti da je Udruženje poslodavaca putem Ekonomsko socijalnog vijeća zaustavilo donošenje Zakona o PIO/MIO te uputilo nadležnom Ministarstvu Primjedbe na Nacrt Zakona. U tekstu prijedloga Zakona o PIO/MIO koji je Ministarstvo uputilo Vladi na prihvaćena je većina primjedbi UPFBiH. Prijedlog Nacrta Zakona će biti upućen u javnu raspravu i Ekonomsko

socijalno vijeće je pozvalo socijalne partnere da u toku javne rasprave o Zakonu uzmu aktivno učešće i svojim sugestijama doprinesu konačnoj formi Zakona.

Ekonomsko socijalno vijeće je također razmatralo Nacrt Zakona o porezu na dobit i konstatiralo da je Zakon u velikoj mjeri usaglašen. Obzirom da Udruženje poslodavaca u FBiH nije bilo zadovoljno odredbama novog Zakona kojim se regulišu poticaji i kojima se ukidaaju dosadašnj rješenja o poticaju izvoznika, Ekonomsko socijalno vijeće je predložilo Vladi Federacije BiH da paralelno radi na izradi Zakona o poticajima.

Ekonomsko-socijalno vijeće za teritoriju FBiH nije podržalo Prednacrt zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima s većinskim državnim kapitalom, javnim preduzećima i ustanovama u FBiH u periodu od 1. aprila 1992. do 31. decembra 2014. Udruženje poslodavaca u FBiH nije podržalo Nacrt Zakona jer je smatra da ovaj prednacrt ne stavlja u ravnopravan položaj sve radnike na koje bi se trebao odnositi i da nije dovoljno precizan da bi bio primjenjiv, zbog čega je potrebno uskladiti tekst sa zahtjevima socijalnih partnera prije slanja u daljnju proceduru. Na kraju moramo istaći da je zahvaljujući naporima UPFBiH zaustavljeno donošenje Zakon o uvezivanju staža i uvažena generalna primjedbe UPFBiH da se Zakonom obuhvate sva privredna društava ne samo ona koja su većinskom državno vlasništvu. U toku pripremanja ovog Izvještaja od strane ministarstva za rad i socijalnu politiku dostavljen je nova Radna verzija teksta Zakona koju će ponovno razmatrati ESV. U novoj verziji Zakona uvezivanje staža se odnosi na sva privredna društva koja u roku od 01.04.1992-31.12.2014. godine nisu uplaćivala doprinose bez obzira na vlasničku strukturu, a što je bio jedan od zahtjeva UPFBiH.

Ekonomsko socijalno vijeće također je raspravljalo o Nacrt Zakona o šumama. Članovi Ekonomsko-socijalnog vijeća su tokom rasprave zaključili da je vrijeme da se ova oblast uredi federalnim zakonom ali također da postoji potreba organiziranja sastanka na kojem bi trebali prisustvovati resorni ministri Vlade Federacije BiH, predstavnici poslodavaca i sindikata kako bi se razmotrili sporni članovi predloženog prednacrt zakona o šumama. Do sada je održano nekoliko sastanaka i nakon usaglašavanja socijalnih partnera Zakon će ponovno biti na ESV-u.

Na kraju možemo zaključiti da je rad Ekonomsko-socijalnog vijeća u odnosu na prethodne godine znatno poboljšan te da ovaj oblik socijalnog dijaloga postaje centralni stub odnosa između socijalnih partnera i doprinosi uspostavljanju ravnoteže i partnerstva. Postoji konstruktivan pristup svih socijalnih partnera u rješavanju pitanja ekonomske i socijalne politike i redovna praksa postaje ugrađivanje stavova, mišljenja i zahtjeva ESV u odluke i zakone. Komisije i radne grupe ESV-a, sastavljene od stručnjaka predstavnika sva tri socijalna partnera zajedno pripremaju Nacrt zakona koje Vlada Federacije, nakon njihovog razmatranja na ESV, šalje u parlamentarnu proceduru.

Međutim, analizirajući u cjelini implementaciju zaključaka sa Ekonomsko socijalnog vijeća u FBiH, ne bi se mogla dati zadovoljavajuća ocjena. Još uvijek je izražena inertnost nadležnih organa na prijedloge i mišljenja ESV-a za unapređenje poslovnog okruženja i blagovremeno uključivanje socijalnih partnera kod donošenja ključnih zakona iz oblasti ekonomsko socijalne politike. Ali svakako rad ESV-a je u protekloj godini bi ona zavidnom nivou i smatramo da je Ekonomsko-socijalno vijeće za teritorij FBiH izvanredan alat za sve socijalne partnere, te je potrebno raditi na jačanju svijesti izvršne i zakonodavne vlasti da usvojene zaključke sa ESV-a mora ozbiljno razmatrati.

Tokom proteklog perioda u radu ESV delegacija je nastupala jedinstveno, zastupajući stavove udruženja i UO. Prije svake sjednice održavane su sjednice UO definirani stavovi koje je delegacija zastupali na sjednicama ESV-a. Također, bitno je naglasiti da je delegacija u radu ESV sučestvovala u punom sastavu gotovo na svim sjednicama.

Delegacija Ekonomsko socijalnog vijeća UPFBiH